


Sgols entochen sur Cuera ein negin'exceptiun da dis cun bunas relaziuns.

L'aura ha pretendiu pazienza

Il Cup mundial da parasgular a Mustér l'jamna vargada ei buca staus favorisus dall'aura



DA HANS HUONDER / ANR

■ **Als organisatur dallas concurrenzas dil Cup mundial da parasgular l'jamna vargada a Mustér ein buca vegni favorisai dall'aura. Muort pliev-gia e nebla eis ei stau pusseivel da sgular sulettamein dus dis, leutier in di da trenament. Tonaton han ils organisatur obtenu biars buns resuns, era grazia al program da rama ch'ei vegnius purschius.** Il Cup mundial dils parasguladers ha giu liug a Mustér per la secunda ga. Tut en tut eis ei stau la siatavla ga ch'ins ha organisau concurrenzaz naziunalas ni internaziunalas sisum la Surselva. Igl ei denton stau l'emprema ga che l'aura ha veramein fatg in streh atras il quen dils organisatur. «Nies sport ei dependents da bun'aura e quella ga havein nus buca giu las cundiziuns giavischadas», di *Marc Demont*, president dils Surselva Flaigers che han organisau quei cup mundial comunablamain cun l'uniun Disentis Open.

Duas concurrenzaz


Sper in di da trenament han ils organisatur saviu porscher dus dis da concurrenza. La partenza dil secund – la sonda – ha denton saviu succeder pér allas 16.00. «En sesez ei quei gie buc usitau. Igl ideal ei sche la partenza sa succeder entuorn miezdi. La sonda eis ei buca stau pusseivel da parter avon, mo tonaton havein nus saviu porscher aschia tuttina aunc ina secunda concurrenza allas participontas

ed als participontas», di Demont. Sin fundament dall'aura ein pliras concurrenzaz e plirs concurrenz returnai a casa duront l'jamna: «All'emprema concurrenza l'entschatta dall'jamna ein rodund 100 pilots separticipai, alla secunda la sonda aunc rodund 60.» Remarcablamein ein gest era biars digl exteriur stai duront l'entira jamna a Mustér. Ils Giapunes han aunc nezegiau la dumengia per in sgol da trenament. Allas participontas ed als participontas han ils organisatur purschiu in program da rama. Aschia ei vegniu dau ad els la caschun da far bogn, ir cun velo ni reiver: «Sin quella moda han biaras e biars era empriu d'enconuscher il liug e la regiun ord in'otra perspectiva, vul dir la purschida.» La schliat'aura e per part era malguessa ha pretendiu dils organisatur in bien maun. «Sin fundament dallas prognosaz havein nus saviu comunicar als participontas gia il di avon ch'ei vegni buc ad esser pusseivel da sgular, las autras ga havein nus stuiu far quei la damaun», declara Demont. Semegliontamein ein era ils voluntaris vegni orientai. Rodund 40 personas ein sedecaradas prontas da segidar culs organisatur duront quell'jamna. Ils pli biars dad els han priu vacanzas per far quei.


Proxima ga 2019?

Malgrad la schliat'aura ein ils organisatur cuntents cun quell'jamna. «Naturalmeins che nus havessen giavischau megliera aura. Mo ils criteris da sgular e dalla segirtad han prioritad. Dallas partici-

pontas e dils participontas havein nus obtenu biars resuns positivs sin nies program da rama», constatescha Demont. Disentis Open e Surselva Flaigers quantan cuntinuar cun concurrenzaz da parasgular a Mustér. «Nus havein gia decidiu igl onn vargau d'organisar l'auter onn il campiunadi svizzer. Las proximas jannas vegn la suprazonza era a decider schebein ei dat 2019 danovamein in cup mundial sisum la Surselva. Davart l'Associazion dil Cup mundial da parasgular ei il giavisch cheu che nus fetschien quei aschia ch'jeu supponel che nus prendien ina decisiun positiva en quei connex», di Demont. El lauda en special la gronda lavur ch'il trenader naziunal e conorganisar *Martin Scheel* presta en favur da quelas concurrenzaz. «El ha ina fetg gronda experientscha e la savida da tgamunar inatala organisaziun», di Demont. Sper ils organisatur ed ils voluntaris ch'eiin semess a disposiziun per quell'jamna da concurrenza, ei igl arranschament era staus dependents d'auter sustegn, per exempel finanziel. Aschia han las Pencilularas Mustér SA, il Catrina Resort, il Lodge Sax e Sedrun Mustér Turissem contribuuiu essenzialmeins al Cup mundial da parasgular. Ellas categorias principals ein ils suandonts davontier el clasament final: *Alfredo Studer*, *Dominik Breitingner* e *Christoph Trutmann* (tut Svizzers) ella categoria overall e *Seiko Fukuoka Naville* (Frontscha), *Emanuelle Zufferey* (Svizra) e *Yael Margelisch* (Svizra) tier las damas.



Concurrentas e concurrents da biaras naziuns han nezegiau la caschun da semesirar a Mustér.



La Quotidiana
7007 Cuir
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'063
Erscheinungsweise: 5x wöchentlich

Seite: 5
Fläche: 122'894 mm²

Auftrag: 1077450
Themen-Nr.: 048.002

Referenz: 66314950
Ausschnitt Seite: 4/5




La mesjamna sera ei vegniu purschiu allas parasguladras ed als parasguladers ina sentupada el Lodge Sax.



Parasguladras e parasguladers ellas preits dils Cavistrai.



Maletgs fascinonts ord la perspectiva digl utschi, respectivamein dil fotograf.



La Quotidiana
7007 Cuir
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'063
Erscheinungsweise: 5x wöchentlich

Seite: 5
Fläche: 122'894 mm²

Auftrag: 1077450
Themen-Nr.: 048.002

Referenz: 66314950
Ausschnitt Seite: 5/5



Ils parasguladers fan parada el tschiel sursilvan.




In parasgulader per ina ga ord in'otra perspectiva.



Cup mundial era 2019?

L'aura ha fatg in steh atras il quen dils organisaturs dil Cup mundial da parasgular a Mustér



Il gliendisdis dall'jamna vargada han ils parasguladers giu relaziuns da sgular optimalas.

FOTO M. SCHEEL

DA HANS HUONDER / ANR

■ **Il Cup mundial da parasgular l'jamna vargada a Mustér ha pitiu dalla schliat'aura. Cun in program da rama han ils organisaturs tonaton saviu tener da buna luna las participontas ed ils participonts.** Duront l'entira jamna eis ei stau pusseivel da sgular suletamein treis dis. Sper in di da trenament ei quei era stau dus dis da concurrenza. Il secund ei staus la

sonda e lu ha la partenza saviu succeder pèr allas 16.00. Malgrad la schliat'aura duront l'entira jamna tilan ils organisaturs ina bilanza positiva. «Senza bun'aura eis ei buca pusseivel da sgular. Persuenter havein nus offeriu allas participontas ed als participonts in program da rama. Aschia han els empriu d'enconuscher la regiun ord in'otra vesta», di il president dils Surselva Flaigers *Marc Demont* che han organisau il cup

mundial communablamein cun Disentis Open. La schliat'aura ha pretendiu dils organisaturs in bien maun, buca mo concernent l'informaziun dils parasguladers, mo bein era dils voluntaris ch'ei stai involvi. A Mustér duei vegnir cuntinuau cun concurrenzas naziunales ed internaziunales da parasgular. «Nus havein gia decidiu d'arranschar il campinadi svizzer igl



onn vegnent. Il proxim temps ve-
gnin nus era a sefatschentar dalla
damonda d'organisar il cup
mundial a Mustér igl onn 2019»,
di Demont enviers l'Agentura da
novitads rumantscha.